



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XXXVIII.

urn:nbn:de:hbz:466:1-11453

Otto enim dux Brunswicccensis & Luneburgensis, nuper ex qualibet causa, immisis trecentis equitibus, igne & ferro cuncta circum urbem pradia deformauit: ut ad excursionem ciues elicerentur, magna equitum parte in insidijs manente, minor se cohors hostium ostentabat: Qua fiducia, ciues cum suo praefecto raptis armis egressi, insidijs excipiuntur. Cecidit in primis praefectus, & capti aliquot, ceteri se fuga commiserunt. Ea re & similibus inducti Lubicenses, protectorem suum regem Dania Ericum constituerunt.

CAPVT XXXVIII.

Holsatia autem militares necdum quieti, dominis suis comitibus ex prioribus causis bella renouarunt, & cum Thietmarsis foedera iungentes, arbitrati sunt se pares futuros comitibus. Ingentem autem manum de palustribus & Wilstriae & Thietmarsiae contrahentes, in Vtersten villam conueniendum sibi edixerunt. Comites autem cum residua militarium manu, & copijs, quas de proximo, deq; proprijs finibus contraxere, obuiam rebellibus profecti, praelium iniierunt: Pertinax diu pugna fuit, sed inclinauit comitibus fortuna: captusq; hostium primipilarius cognomento Peltz cum aliquot seditiosorum primoribus, morte mala multati, publico iudicio periierunt. Memoratus vero primipilarius quadripartitus velut patriae proditor, post extremum supplicium cornuos paut: Qui vero fuga euasere milites, Lubicam protinus, interposita primum publica fide, petiere, & ingressi, diu sese ibi continuere. Gerhardus comes eam rem tulit agerrime, hostes publicos ab his quos sibi duxit amicos, receptari: erat, quod ciues suo facto in purgationem praeferre poterant, umbraculum, ne deterius aliquid admitteret desperatio: Sed id

Qq 5

à comi-

à comitibus minimè tum probatur. Qua de re Gerhardus
 infestus ciuibus, ostium Trauena obfirmare constituens,
 praesidium fixit ad mare. Ciues autem ut erant in fede-
 re cum Alberto duce Saxonia, cum haberent etiam in sua
 parte Holsatos militares cum amicis, à quibus suborta
 est comitum in ciues indignatio, bellum publicum indi-
 xere comiti Gerharδο: Crudescebat bellum, & longi-
 us progressum, auxilia multorum inuenit. Accessit Lu-
 bicensibus dux Slesuici Waldemar, à rege proculdu-
 bid Erico, ciuium defensore, ad hoc institutus. Comiti
 tulere suppetias Henricus Magnopolensis dominus, cum
 patruelibus suis. Gerhardus copias suas in nemore ad
 villam Zuartow occultius fouit: Ibi castra communi-
 ens, ut excursionibus crebris fatigarent ciues: simul ut
 praesidio essent in tempore fortalitio, quod ad mare fir-
 mauit. Henricus autem Magnopolensis Trauenam ex
 diuerso latere insedit, in loco Priuolk (Angulus est ter-
 ra illius ad exitum fluminis) ibique firmato praesidio, exi-
 tum & ingressum ciuibus interclusit. Ciues uero com-
 munièrunt naues suas trabibus, ut ictus contemnerent
 incurfantium, & magnis laboribus ad mare & à mari
 peruenerunt. Vère autem primo turmatim egressi ciues,
 impedimentis aduectis, Henrici primum oppugnaere à
 dextris praesidium, & multo labore diu defensum, labe-
 factatum crebris ictibus deiecerunt. Nec minor conatus
 ad turrin altera de parte Holsatiae prominentem. Ericus
 interim rex Daniae, ut erat zelator pacis, & ciuibus ni-
 hilominus ex pacto constrictus, medium se interposuit,
 & inuentis undecunque compositionis medijs, firmat pa-
 cem inter dissidentes. Reconciliati militares Holsati co-
 mitibus, & rursus, Lubicenses in gratiam & amicitiam
 Gerhardi comitis rediere.